

ferri maxima pars transmutata mercuriū
 ingressa, separetur cū mercurio prorsum à
 reliqua ferri parte non trāsmutata, per ab-
 lutionem, & mercurio p coriū expresso,
 manebit amalgamatis pasta, q̄ reducta p
 ignem purissimū cuprum exhibet. Huius
 vncia semis, cum æquali parte argenti, sta-
 tim permiscetur sedecim gradib. retentis,
 licet non fixis, in regali tamen fixibilibus,
 vt artifex industrius inde mediocre lucrū
 habeat ad victū & amictum. Fit etiam vi-
 triolū ex venere soluta p aquā fortem, &
 granulata, quod non amplius in cuprū re-
 dit; sic etiā ex vitrioli colcothare fit venus
 (vt suprā in examinib.) quæ nō reducitur
 in vitriolū per se, nisi p peculiarem aquā.
 Viride similiter eris gradatissimū vitriolū
 exhibet spagiricum. In vitriolo tanta tāq;
 potens tinctura delitescit, vt vix cuiq̄ non
 experto credibile sit, bene quidē ei q̄ in-
 telligit eius arcana. Quoties utiq; oleū vi-
 trioli cū oleo mercurij miscetur, & simul
 ambo coagulantur, in lapidem transeunt
 mirandæ tincturæ cōditionisq; sapphiro
 persimilem. Absolutis salibus ad sulphu-
 ra veniendum erit.

De